

鞏縣志卷之七

知縣德州周泗校

生員康紹第集

執文

國朝

明故處士劉公墓誌銘 賜進士第左春坊左中允

翰林院修撰經筵講官同修國史潁川賈詠撰

處士諱寬字元德姓劉氏其先開封陳留人國初徙

鞏南黃冶村居焉朝列大夫山西布政使司左參議

諱登府君之仲子也曾大父守中大父士隆俱隱德

鞏縣志

卷之七

經川圖書館校刊

弗耀至府君始以善舉永樂癸未鄉試甲申舉進士
由大行人擢升戶部員外郎以風才望出鎮交趾凡
六載懋著奇績擢是官有聲於藩將大厥用顧懇乞
歸累疏乃俞母谷氏先卒生子男一曰真不仕繼阮
氏生子男二人曰敏晉府典簿次卽處士謹愿純樸
和易直諒有古良士風不樂仕進每以耕讀自娛雖
醫卜小技皆肄而通天性孝友外無閒言治家嚴處
事接物率以恕性不愛金帛平生貲貨散而不蓄善
調濟問人有急輒欲救之見爭訟不義輩卽不與言
鄉人無少長咸稱長者教子務學惇尙行實不欲以

文執先人也今上臨御之四年歲庚午會尊上兩宮
徽號推恩海內凡高年耆宿命有司給米布肉絹有
差用廣老老之仁處士適沾卹典且加冠服爲束蓋
嘉際也又四年夏以正卒於家實正德癸酉四月二
十九日距其生宣德壬子七月十八日享年八十有
二配張氏先卒繼李氏亦卒生男子一人卽遜亦以
書舉弘治壬子鄉試克纘先志累試春闈不第謁選
銓曹四事居優授兵部司務甫期以慎名爲大家宰
楊公所知調簡吏部女二人適 繼席氏生男子
一人曰廷女四人長適襄垣知縣張銳次 次 孫
男三人孫女三人曾孫男一人邦直曾孫一人尙幼
訃聞京師遜卽奔歸以卒之年 月 日扶柩黃冶
村先塋之次啟二配之兆葬焉徒跣請銘嗚呼公襲
前人之慶得自裕一意以力於善又得賢嗣以奕先
業而繼述之責益有所託矣公出入其間悠悠處世
以享高年茲其終也殆無遺憾也哉不可無銘銘曰
厥考有作公庇其芳厥子有聲公挹其光躬耕是樂
力善是常壽履平耄善名於鄉瑞慶流衍簪紱煌煌
爰及封典庸示褒揚九原不待雙 歸藏千秋有所
黃冶之陽

初建普安禪寺記 賜進士第翰林院編修文林郎

吉水周敘譔

鞏爲邑據山川之會而虎頭山當其南又其勝也山半有地頗夷曠洪武丙子僧會圓融始開基創佛殿其間時僧舍皆穴處至永樂中僧了喜繼之而齋室宿廬庖湏之房始備其成之可謂勤矣今年春予奉命代祀宋諸陵至鞏留宿於寺愛其景幽僻遠而林木蔚蔚陰居久將適了喜又淳篤有戒行蓋釋流之卓卓者也事竣將歸乃再拜向予請爲寺之記且曰恐後之居此者或怠於修葺也蓋垂諸文字以圖與

鞏縣志

卷之七

三

經川圖書館校刊

是寺永永俱傳并以告吾徒之相承者予惟世率言佛之道意以動人凡以興作成之甚易今觀圓融了喜用力幾三十年而其寺始克完不亦難甚矣哉然向非其經營之勤蓋亦有弗克就之者矣吁世之人欲成功業者又豈不各由於勤也歟了喜號悅庵今爲僧會云宣德元年歲丙子三月辛酉立

重修青龍山慈雲寺碑銘 河南府知府虞廷璽譔

黃河甘南云鞏縣四十里有山曰青龍山之爲勢穹窿高聳玉潤雲翔有若龍盤之狀昔宋太祖因山而陵遠取諸象蓋葬於青龍山之陽卽此山也夫名山

勝地必有古刹建於其間在漢明帝永平七年有僧摩騰竺法蘭始建白馬寺於洛陽城東既而雲遊此山因其山川之秀遂開慈雲禪寺故其山如滿月之形水曲雲合之派內藏玉兔外列金龜東有黑龍之潭左名獅子之嶺南現鉢盂之峯有初祖降珠之處二老談經之所其他奇峯峻岫疊嶂層巒壁立萬仞者不可勝紀至今唐三藏禪師奉勅重修莊嚴寶地自茲以往或興或廢修置不一迨至我朝正統甲子歲有僧南宗浮杯越海而來發心修造輪奐聿新既而歲月屢更風雨頽圯珮瓦飄盡棟折垣墻坍塌所

存者惟殿屋址基而已使佛無安棲之域僧無歸向之心狐兔縱橫蟲蛇駢集大室變爲民間之田浮屠輔爲地下之石荒煙瓦礫鞠爲坵墟但見樵子牧豎往來其間行道之人莫不心惻適有潭懷耆宿廣明秋月居士等捐貲修建不憚勞苦乃卓錫鳩工大展山門而成無量功德故創始於景泰乙亥秋落成於順天戊寅夏中建大雄之殿轉角有廊前後有廡樓閣崢嶸千仞齋堂整齋堂薨復道琳宮珠館方丈有室廚庫有房黝堊丹漆金碧交輝內塑諸佛水陸以至諸神粧理咸備大小僧房不計其楹工料所費千

萬餘緡自非覺順德行清修功夫縝密勤於濟幹者
疇能成茲大事於深山幽門之境闡揚佛教清淨寂
滅之鄉雖遠公之住廬山達摩之居少林大巔之臨
南海其勝會叢亦不多讓也是固宜銘其銘曰

雲山蒼蒼在彼高崗名曰青龍負陰向陽水環鞏洛
地接嵩陽中有梵宇創自漢唐或興或廢修建不常
廬山領秀曹溪水香適有上入道德四方來遊來止
感慨心傷禾離煙鬱烏鳥頡頏發心修善誓力道場
不畏寒暑豈憚風霜達於壇越廣施棟梁經之營之
峻宇雕墻諸佛有殿衆僧有房祖風是務佛日增光

鞏縣志

卷之七

五

經川圖書館校刊

少林共祖白馬同鄉香火供養鐘鼓鏘鏘爲國祀釐
與民降祥皇圖鞏固地久天長鐫筆紀事千載流芳
宋

西京永安縣新修淨惠羅漢院碑 朝奉郎行右司

諫直史館同修起居注上騎都尉賜緋紫金魚袋

臣張觀奉旨撰

夫緣起曰形曷追有名之域像設爲教終開善上之
筌事雖稟於勝衰道固存於靜妙不有墮圯何以達
維新之功不有壯麗何以格龐鴻之慶則青龍山羅
漢龕之謂平居山之陰其制甚陋年禩寢遠莫取營

範之初邑里至慶素爲瞻奉之所穆如宴坐甲於勝
遊層巘俯臨喬木交映封巒舊壤近鞏洛之奧區神
闕凝空接靈臺之福地雖僅存於環室而久乏於莊
嚴蕭然庭除鞠爲茂草羅漢之號始於西方具載釋
經此不繁述蓋諸佛名神設其名品以爲證果之階
耳察其頓漸則三乘之理有殊語其開誘則一雨之
潤無別福我黎庶率爲令人豈有尊其教而卑其居
尙其德而慢其禮者哉先是上御藥羅崇勳嘗馳使
車躬視陵邑覩茲遺美因而上言兩宮以睿聖之慈
敦至仁之治爰使安葺用垂不朽乃命高品張懷恩

鞏縣志

卷之七

六

經川圖書館校刊

相厥事謹其費慮其勞永定陵副使張永和督其役
焉於是營可構之材鴻纖適用成至信之衆遠邇如
歸不曰成之其道甚大詔自京師迎佛像居殿之中
遷羅像翼坐其次嚴然如元愷之相待虞舜也東曰
廚西曰堂重樓交影疊采並煥又若毗耶之蓋奉如
來也賜其院淨惠旨遠平哉悟其本君子得通神冥
累之方覩其嚴小人知遷善遠罪之地弼我皇化不
其偉歟爰命小臣志其盛事謹爲銘曰
龕像之設惟福之基堂構之盛惟民之宜經之營之
如翬斯飛觀像生善悟理知歸上尊其德下盡其力

水間鐘梵山潤金碧冲寂其性仁義其迹壽國伊何
時萬時億

遺文

範圍數序

邑人趙迎 僉事 撰

大哉造化之妙也理而已矣數而已矣理一也分而
爲二氣氣二也折而爲九數在天有十千是謂之天
元在地有十二支是之謂地元天地交感千支配合
錯綜流行有六十納甲是之謂人元靜極而動於是
平有陰陽之清濁厚薄焉於是平有四時生旺死絕
焉於是平有八卦之生成休廢焉於是平有五行之

鞏縣志

卷之七

七

經川圖書館校刊

制化生尅焉於是平有人物之吉凶富貴貧賤壽夭
焉舉莫逃平其數也是之謂範圍先天露其機大禹
之九疇著其迹文王後天闡其微厥後劉牧得其傳
傳之范諤昌諤昌傳之許堅許堅傳之李漑李漑傳
之种放种放傳之希夷希夷傳之邵康節他如野門
如白雲如丙峯者皆傳此數之緒餘以自鳴於世顧
爲書猶頗放失散無統紀皆術是者秘其訣以自神
其數使人莫得而測其機且其簡編博煩亂重複舛
訛執此以定人之吉凶豈可得哉古語有之數之不
靈非數之罪也算數者之罪也愚則曰非算數者之

罪也作數之書者之罪也於是得其浩博刪其繁亂
削其重復正其舛訛分其門類謂範圍不可以無圖
式也始之以圖式不可以無起例也次之以起例不
可以無源流也次之以源流不可以無格局也次之
以格局不可以無卦訣爻也次之以卦訣爻不可以
無取斷也次之以取斷十干有陰陽次之以陰陽有
真化次之以真化至於更互演義發明此數則又有
五行得失五行分局九數總論九數分論五命分論
以次而列其編也若夫流年斷此又命數所不可缺
焉耳矣故以是爲終焉古人有言曰依經考斷應驗

如神信是言也嗚呼造化之物物也使物不得而知
也是數之出造物物之得失舉燎然於推策於布算
矣破造化之祕泄鬼神之機斯有罪焉雖然天地萬
物莫逃平數世之戚戚於貧賤役役於富貴遇寵利
而驕矜處患難而恐懼者多見其誤用其心也已故
曰樂天知命故不憂又曰君子修身以俟命明平範
圍之數達平造化之理則知人之吉凶禍福固素定
也豈非不憂俟命之一助乎哉觀者其勿例視之待
數云耳

唐

石窟寺

牛承直

鞏縣知縣

老去尋山意漸便興來登覽獨怡然僧歸禪榻香盈
帳人喚漁舟晚濟川清洛冷光浮巨棟靈崧積翠拱
中天公餘底事頻來此民遠官刑不用鞭

宋

過周襄王祠

李淑

大理評事館閣校勘

周室否艱際君王坎飲居荒祠黍黎後喬木壑遷餘
世故感內黨客行悲舊墟一窺盟狩迹難問獲麟書
遊石窟寺

張綬

鞏縣志

卷之七

九

經川圖書館校刊

野寺枕清洛古像鑿岸石軒窗眇空曠樓殿燦金碧
僧多龕崑居門為嵩少關我來值秋晚高下窮勝蹟
萬籟息衆竅千花紛講席乘興宿禪房梵音徹寒夕

國朝

登宋陵

周敘

編修

蕭蕭風雨老秋梧龍去空餘舊鼎湖四聖德輝同舜
禹百年文治紹唐虞邙山北枕環陵邑汴水東流是
故都祇服皇仁嚴秩祀仙輿尚想降雲衢

洛陽懷古

洛陽形勝古中州此日登臨愜壯遊嵩少羣山皆北

拱澗灑諸水自東流銅駝巷永絃歌曉金谷池空草
樹秋問道五賢祠亦廢不勝惆悵感前休

送周編修代祭宋陵

王英 右春坊
大學士

明廷秩祭降深恩詔遣詞臣出禁垣遠歷山川周洛
邑恭陳俎豆宋陵園御香滿路花爭發柳色連村日
正暄想得近陵諸父老齊來瞻拜擁行軒

又

王直 翰林侍
讀學士

函香分祀宋諸陵使節皇華寵渥承河水遠通平野
外嵩山高處亂雲層馬遷勝覽憐予病李白豪吟羨
子能若到薇垣謝知己山陰短棹興難乘

鞏縣志

卷之七

十

經川圖書館校刊

河復故道有感

吳相 河南府
知府

庚戌年來守此方南侵河水正湯湯關心額稅徵無
計急報神功過禹王

黑石待渡

劉醇 邑人

黑石中分古洛河秦兵漢卒幾經過風轉柳圍聞鶯
語月滿中州聽棹歌帆影遊魚穿菡萏浪翻宿鷺入
煙蘿清閒寧似波中叟日伴滄浪永太和

洛水泛舟

芳草垂楊古渡頭身閑贏得一扁舟歌聞蓼岸驚沙
鳥風送蘆帆過遠洲欲慕五湖煙水晚未聞三徑楚

天秋漁翁短棹吹新調助我乘槎泛斗牛

市河煙柳

尋芳策杖市橋前柳色垂金二月天宿霧纔開去霽
日和風初散曉來煙沙汀燕子啣兒語蓼岸鴛鴦貼
水眠尤盛灞陵風景好一川城郭翠微連

天塹洪流

十八灣流西復東形連江漢與朝宗萬雷聲震碧天
外一脈椎吞銀漢中砥柱怒濤驚鳥雀禹門汲浪化
魚龍何時共客看牛斗帶月乘槎訪舊蹤

洛陽懷古

鞏縣志

卷之七

十一

經川圖書館校刊

春風弔古洛陽邊一望川原思眇然綠野堂開惟見
燕天津橋廢不聞鶻成周故國寒煙外汴宋諸陵夕
照前惟有灑澗流水在滄波東去自年年

登慈雲寺

趙迎 邑人僉事

昔我登山未盡頭此心鬱鬱幾經秋重過溪澗酬前
志再陟巉巖繼舊遊接地風雲隨我轉連天景色許
誰收危峯頂上堪舒目觀盡明王四百州

過汾陽王祠

流芳千載郭汾陽心秉忠精佐大唐功懋朔方滅寇
虜蹟留河洛見祠堂荒山定指風沃洞古柏森行拂

漢蒼瞻拜遺容欽儼雅愧無椒酒獻壺觴

過宋陵有感

洛陽謝江

行人

陵墓崔嵬春復春臨坡下馬淚沾巾地圍河岳分龍
虎夜閃旌旗扈鬼神北狩玉輿終不返南都皇屋竟
長淪我皇繼統開中域一掃胡煙萬古新

遊石窟寺

帝丘桑溥

本府同知

二月十七郊外行嵩山洛水兩分明已勞地主盤餐
餞又遺山僧管鑰迎綠磴酣歌春日暮憑欄極目曉
風清酒殘不盡登臨興月印灘頭一艇橫

登城縱眺

邵陽潘進

教諭

鞏縣志

卷之七

十一

經川圖書館校刊

雉磔環三里煙爐聚萬家嵩邛堅保障河洛映雲霞
科第明朝盛山川大宋嘉

宋陵在鞏

緣樽傾不盡回首夕

陽斜

遊石窟寺

焚香座石窟石窟生清涼侍側二三子歌詩四五章
道窮天地外樂居日月長詠歸弄明月承學點生狂
夏旱

隴陌急欲雨山川不出雲已知苗就稿誰懼國無民
蔀屋歡娛少公家徭役頻振荒待明詔極目望楓宸
謁子儀祠

忠臣自昔誦汾陽盜發幽陵亂大唐見虜單騎心皎
皎提戈百戰氣堂堂春秋黍稷香生豆月夜松杉影
度牆偶至漫從祠下過展忱自喜振冠裳

東周八景

市河煙柳

一道銀河幾許長兩行綠柳任飄揚等閑相鎖無人
蹟疑是淵明五柳莊

竹林夜月

竹林月皎影婆娑坐久渾忘塵事何竹又清漪月又
皎新詩吟就漫吟哦

鞏縣志

卷之七

十二

經川圖書館校刊

紫金獨秀

峯古峻嶒插太空日霞金紫有無中諸山脫離不相
倚爭似無言啟聖聰

洛口三倉

隋帝儲粟萬世王魏公據守望咸陽孰知一旦三倉
竭四百山河屬大唐

宋陵煙雨

嵩峯麓畔平煙圃列宿高陵座宋王南渡那堪旌不
返愁雲煙雨似悲傷

邙山積雪

西風冽冽滿林巒萬疊層巖砌玉寒騷客不卹苔徑
滑尋梅詩興思漫漫

石窟晚鐘

霞映西山日已曛鐘聲梵語送黃昏應知不擾禪心
動催促詩人午夢新

黑石待渡

石關洛水正當途多少行人帶酒需畫舸乘風槌鼓
過落花飛絮鳥相呼